

Larian maya merupakan bentuk larian secara individu/berkumpulan, bila-bila masa walau di mana jua pelari melakukan larian tanpa bersemuka dan tanpa tertakluk kepada tentatif program rasmi. Ia dipanggil maya apabila larian dibuktikan dengan memuatnaik gambar sendiri (selfie) dan bukti kilometer larian menggunakan aplikasi larian seperti STRAVA disertakan kepada penganjur program. Dengan era digital dan komputer, kebanyakan aktiviti sosial boleh dilaksanakan dengan norma baharu. Persatuan Sukan dan Kebajikan Kakitangan (PSKK) UiTM Cawangan Pulau Pinang dengan julung kalinya telah menganjurkan UiTM Pulau Pinang New Norm Virtual Run 2020 dengan slogan #silalarijanganduduk. Inisiatif ini diwujudkan bagi memastikan warga UiTM Cawangan Pulau Pinang kekal aktif dan sihat di waktu Perintah Kawalan Pergerakan (PKP) ekoran wabak pandemik COVID-19 yang menyerang seluruh dunia pada akhir Januari 2020. Kempen larian dimulai dengan pemakluman secara digital melalui media sosial Facebook PSKK UiTM CPP dan emel rasmi warga UiTM CPP. Tempoh larian bermula dari 15 Jun 2020 sehingga 19 Julai 2020 disertai seramai 75 warga UiTM CPP dan Fakulti Kejuruteraan Awam diwakili seramai 26 orang. Lebih menarik Fakulti Kejuruteraan Awam memenangi kategori Nisbah Staf Per KM iaitu 9.95 KM dengan penyertaan staf paling aktif di tempat kedua di belakang pelari aktif dari Bahagian Hal Ehwal Pelajar. Larian secara maya membuka kepada lembaran baru sukan tanpa bersemuka dan berkumpul. Penilaian kategori dilakukan dengan individu pelari memuatnaik bukti larian menggunakan aplikasi larian seperti STRAVA ke pautan yang disediakan oleh penganjur program. Ini membuktikan sukan larian seperti ini dapat memupuk perpaduan diantara ahli pasukan dan komitmen penglibatan dalam larian tetap dilaksanakan dengan baik. Sukan membentuk perpaduan walau dilaksanakan secara maya dengan norma baru kehidupan mendepani wabak COVID-19.

Oleh: Dr. Masyitah Md Nujid

